

四庫全書

子部

欽定四庫全書

子部

證治準繩卷五十六

詳校官太醫院醫士臣程泰

編修臣倉聖脈覆勘

總校官進士臣朱鈐

校對官學正臣郭祚熾

謄錄監生臣饒文洲

欽定四庫全書

證治準繩卷五十六

明 王肯堂 撰

女科

調經門

經閉

內經陰陽別論云二陽之病發心脾有不得隱曲女子
不月其傳為風消為息責者死不治 潔古曰女子月

事不來者先瀉心火血自下也內經曰二陽之病發心
脾有不得隱曲故女子不月其傳為風消王啓玄注曰
太陽胃熱也心脾受之心主血心病則血不流脾主味
脾病則味不化味不化則精不足故其病則不能隱曲
脾土已虧則風邪勝而氣愈消也又經曰月事不來者
胞脉閉也胞脉屬於心絡於胞中今氣上迫肺心氣不
得下通故月事不來先服降心火之劑後服局方中五
補丸後以衛生湯治脾養血也 李東垣曰經閉不行

有三補前人之闕 婦人脾胃久虛形體羸弱氣血俱
衰而致經水斷絕不行或病中消胃熱善食漸瘦津液
不生夫經者血脉津液所化津液既絕為熱所燍肌肉
漸瘦時見渴躁血海枯竭名曰血枯經絕宜瀉胃之燥
熱補益氣血經自行矣此病或經適行而有子子亦不
成而為胎病者有矣

此中焦胃
熱結也

或心胞絡脉洪數躁

作時見大便秘澀小便雖清不利而經水閉絕不行此
乃血海乾枯宜調血脉除包絡中火邪而經自行矣

此下

焦胞脉熱結也

或因勞心心火上行月事不來者胞絡閉也

包絡者屬於心而絡於胞中今氣上迫肺心氣不得下

通故月事不來宜安心補血瀉火經自行矣

此上焦心肺熱結也

裴澤之夫人病寒熱月事不來者數年又加喘嗽醫

者率以蛤蚧桂附投之曰不然夫人病陰為陽所搏溫

劑太過故無益反害投以涼劑涼血和血藥則行矣已

而果然

五補丸

局方

補諸虛安五臟堅骨髓養精神

熟地黃

人參

牛膝

酒浸去
蘆焙乾

白茯苓

地骨皮

各等分

右

為細末煉蜜丸如梧桐子大每服三五十九溫酒下

空心服

衛生湯

當歸

白芍藥

各二兩

黃芪

三兩

甘草

一兩

右為

細末每服半兩水二盞煎至一盞溫服空心如虛者

加人參一兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善

食消渴治以調胃承氣之類火在下則大小便秘澀治以玉燭之類玉燭者四物與調胃承氣等分也火在上則得於勞心治以苓連及三和之類三和者四物涼膈當歸等分也潔古先服降心火之劑者蓋亦苓連三和玉燭之類後服五補衛生者亦補氣之劑也素帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血

苦醉入房中氣竭肝傷故月事衰少不來也帝曰治之

奈何岐伯曰以四烏鯁骨一蘆茹二味并合之丸以雀

卵大如小豆以五丸為後飯飲以鮑魚汁利腸中及傷

肝也

腹中詢 王註云烏鯁魚骨主血閉蘆茹主散惡血雀卵主血痿鮑魚主瘀血河間宣明論方烏鯁

骨蘆茹各等分雀卵不拘數和丸小豆大每服五丸至十九煎鮑魚湯下食後日三服壓以美膳

右

岐伯河間治血枯之法

丹血枯經閉者四物湯加桃仁紅花 陰虛經脉久不

通小便短澀身疼者四物加蒼朮牛膝陳皮生甘草作

湯又用蒼莎丸加蒼耳酒芍藥為丸就煎煎藥吞下

右丹溪治血枯大法

薛夫經水陰血也屬衝任二脉主上為乳汁下為月水其為患有因脾虛而不能生血者有因脾鬱傷而血耗損者有因胃火而血消燦者有因脾胃損而血少者有因勞傷心而血少者有因怒傷肝而血少者有因腎水不能生肝而血少者有因肺氣虛不能行血而閉者治療之法若脾虛而不行者調而補之脾鬱而不行者解

而補之胃火而不行者清而補之脾胃損而不行者調而補之勞傷心血而不行者靜而補之怒傷肝而不行者和而補之肺氣虛而不行者補脾胃腎虛而不行者補脾肺經云損其肺者益其氣損其心者調其榮衛損其脾者調其飲食適其寒溫損其肝者緩其中損其腎者益其精審而治之庶無誤矣 一婦人停食飽悶發熱或用人參養胃湯益甚再用木香檳榔丸泄瀉吐痰腹中成塊飲食少思又用二陳黃連厚朴之類前證益

甚腹脹不食月經不至余以為胃氣虧損用補中益氣
加茯苓半夏三十餘劑脾胃健而諸證愈又二十餘劑
而經自行 一婦人飲食後或腹脹或吞酸彼服枳朮
丸吞酸益甚飲食日少胸膈痞滿腿內酸痛畏見風寒
又服養胃湯一劑腿內作痛又一劑腿膝浮腫月經不
行余謂鬱結所傷脾虛溼熱下注侵晨用四君二陳芎
歸午後以前湯送越鞠丸飲食漸進諸證漸愈又用歸
脾八珍二湯兼服兩月餘而經行 一婦人性沈多慮

月經不行胸滿少食或作脹或吞酸余以為中氣虛寒
用補中益氣加砂仁香附煨薑二劑胸膈和而飲食少
更以六君加芎歸貝母桔梗生薑大棗數劑脾胃健而
經自調矣 一婦人素有胃火或用清胃散而安後因
勞役躁渴內熱肌肉消瘦月經不行余謂此胃火消燦
陰血用逍遙散加丹皮炒梔以清胃熱用八珍湯加茯
苓遠志以養脾血而經自行矣 一婦人久患瘡形體
怯弱內熱晡熱自汗盜汗飲食少思月事不行或用通

經九虛證大具余曰此因虛而致瘧因瘧以閉經也用
補中益氣及六味地黄丸各百餘劑瘧愈而經行 一
婦人久患瘧瘧作則經不行形虛脉大頭痛懶食大便
泄瀉小便淋瀝口乾唇裂內熱腹膨蓋由久瘧正氣已
虛陰火獨旺用補中益氣湯治之尋愈惟不時頭痛乃
加蔓荊子而痛止又兼用六味地黄丸而經行 一婦
人因勞耳鳴頭痛體倦此元氣不足用補中益氣加麥
門五味而痊三年後得子因飲食勞倦月經不行脯熱

內熱自汗盜汗用六味地黃丸補中益氣湯頓愈一
婦人胃氣素弱為哭母吐血咳嗽發熱盜汗經水三月
不行余以為悲則傷肺思則傷脾遂朝服補中益氣加
桔梗貝母知母夕用歸脾湯送地黃丸而愈一癰婦
少寐經水兩月餘一至誤服通經丸展轉無寐午前惡
寒午後發熱余以為思慮虧損脾血用歸脾湯作九午
前以六君送下午後以逍遙散送下兩月餘得寐半載
經行如期年餘而瘡愈

右薛氏治血枯大法以補養真元為主蓋本易水師弟之旨而廣之王道也

脉問曰婦人病下利而經水反斷者何也師曰但當止利經自當下勿怪所以利不止而血斷者但下利亡津液故經斷利止津液復經當自下 問曰婦人病經水斷一二日而反經來今脉反微澀何也師曰此前月中若當下利故令妨經利止月經當自下此非軀也 婦人血下咽乾而不渴其經必斷此榮不足本自有微寒

故不引飲渴而引飲者津液得通榮衛自和其經必復下

仲婦人之病因虛積冷結氣為證經水斷絕至有歷年血寒積結胞門寒傷經絡凝堅在上嘔吐延沫久成肺癰形體損分在中盤結繞臍寒疝或兩脇疼痛與臟相連或結熱中病在關元脉數無瘡肌若魚鱗時着男子非止女身在下未多經候不勻令陰掣痛少腹惡寒或引腰脊下根氣衝氣衝急痛膝脛痛煩奄忽眩冒狀如

厥顛或有憂慘悲傷多嗔此皆帶下非有鬼神久則羸瘦脉虛多寒三十六病千變萬端審脉陰陽虛實緊弦行其針藥治危得安其雖同病脉各異源子當辨記勿謂不然

丹經候過期不行杜牛膝搗汁大半鍾以玄胡末一錢香附末枳殼末各半錢早調服

大萬病丸 治經事不來繞臍痛 乾膝

杵碎炒
烟盡

牛膝

去苗酒浸一宿
焙乾各一兩

右為末以生地黄汁一升入二味藥末銀器內慢火熬
可丸即丸如桐子大每服二丸空心米飲或溫酒下
土牛膝散 治婦人室女血閉不通五心煩熱 土牛

膝 當歸尾

各一兩

桃仁

去皮麤炒另研

紅花

各半兩

右為細末每服二錢空心溫酒下

當歸乾膝丸療月經不利臍下慙逆氣脹滿

見調經門月水不利

治月經壅滯臍腹疔痛 當歸 玄胡索

右為末每服三錢薑三片水煎七分去滓稍熱服

當歸散

治血脉不通

當歸

穿山甲

灰炒

蒲黃

炒各半兩

辰砂

另研一錢

麝香

少許

右為細末研勻每服二錢食前熱酒調下

琥珀散 治心膈迷悶腹臟撮痛氣急氣悶月信不通等疾

天台烏藥

二兩

當歸

莪朮

各一兩

右為細末每服二錢溫酒調下後以食壓之忌生冷油膩產後諸疾炒薑酒調下

小腸移熱於大腸為伏瘕為沉

王注云血澀不利則月事沉滯而不行

聖治婦人月水澀滯不快結成瘕塊筋脹大欲死用馬鞭草根苗五斤剉細水五斗煎至一斗去查別以淨器

盛熬成膏食前溫酒調下半匙

本草云馬鞭草辛涼破血瘕

羅血極膏治婦人乾血氣以川大黃為末用醎醋熬成膏子丸如雞頭大每服一九酒化開臨卧溫服大便利一二行後紅脉自下是婦人之仙藥也加當歸頭

仲婦人經水不利抵當湯主之

亦治男子膀胱滿急有瘀血者方見傷寒畜血

產寶方

治月經不通腹中痛

牛膝六分

大黃

桃仁

去皮
尖炒細辛

各五分

川芎

當歸

各四分

水蛭

三分糯
米炒黃

右為細末煉蜜九梧子大每服二十九空心溫酒下

千金桃仁煎

治血積癥瘕月水不行

大黃

濕紙
裏蒸朴

硝

桃仁

製炒各
二兩

蜚蠊

一兩去足
翅炒黑

右為細末醋二升半石器中慢火熬膏入大黃桃仁

蜚蠊末不住攪度可丸入朴硝再攪良久丸如梧子

大五更初溫酒下五九至日午取下如赤豆汁雞肝

蝦蟇衣樣候鮮紅住服仍以調氣藥補之

三稜丸 治婦人經脉不通氣痛帶下兼治血瘕 三

稜

醋炒

川芎

牛膝

玄胡索

蓬朮

醋炒

蒲黃

菴

閭

牡丹皮

芫花

醋炒

白芷

當歸

地龍

去上酒浸

炒

乾薑

炮各一兩

大黃

二兩為末以米醋熬成膏和藥

右為細末以大黃膏和丸如梧子大每服三五十九

空心醋湯下或紅花煎酒下

右經一節方七首皆治汚血有熱而經閉前一方輕

劑後六方重劑也

雲紅花當歸散 治婦人經候不行或積瘀血腰腹疼

痛及室女月經不通 紅花 當歸尾 紫葳 牛

膝 甘草

蘇木

細剉各二兩

赤芍藥

九兩

劉寄奴

五兩

桂

心 白芷

各一兩半

右為末空心熱酒調服三錢食前臨卧再服若久

血不行膿煎紅花酒下孕婦忌服一名凌霄花即紫葳

牛膝散

見調經門月水不利條

溫經湯

見前調經門

桂枝桃仁湯

治婦人月事不通小腹膨脹疼痛

見前調經

門腹痛條

牡丹散

見前調經門月水不利條

通經丸

本

治婦人室女月候不通或成血瘕

本草入難子清

同丸畏漆入腸胃生瘡也

桂心

青皮

去白

大黃

炮

乾薑

炮

川椒

炒出汗

川烏

炮

蓬莪朮

乾漆

炒煙盡

當歸

桃仁

梨炒各等分

右為末將四錢用米醋熬膏和餘六錢末成劑石臼中

杵丸如桐子大晒乾每服二十九用淡醋湯下加至
三十九溫酒亦得空心食前服 濟生去川烏加紅
花等分

滋血湯 治勞動致臟腑衝任氣虛不能約制經血以
致崩中或下鮮血或下五色連日不止淋漓不斷形
羸血劣倦怠困乏月水斷絕 馬鞭草 牛膝 荆

芥穗 各一兩 當歸 肉桂 牡丹皮 赤芍藥 川

芎 各一兩

右每服四錢烏梅一箇水二盞食前服日進四五服半月或一月經脉自通

右七方皆治汚血有寒而經閉前四方輕劑後二方重劑也

大治月水不通屢試有驗厚朴不以多少薑汁炙香細

切濃煎去查空心服不過三四劑瘥

形實氣盛者宜之

丹積痰傷經不行夜則妄語

瓜蒌子

一兩黃連

半兩吳茱

莢

十粒桃仁

五十粒紅麴

二錢縮砂

三兩山查末

一兩

薑汁研炊餅為丸

軀脂滿經閉導痰湯加芎連不可服地黃如用薑汁拌

炒

導痰湯即二陳加枳實黃連是也

楊村婦人年二十餘兩年經閉食少乏力黃連二錢白

朮

一錢半

陳皮

滑石

各一錢

黃芩

半錢

木通

三分

桃仁

二十

茵甘草

炙少許

此方分兩有訛

右丹溪治痰結胸腹而經閉之法用輕劑導痰降火也

經云氣上迫肺則心氣不得下通故月事不來今用連

朴之類導痰降火使不上迫於肺故心氣下通而月事

來也

丹溪治一婦人久瘧食少經閉兩手無脉每日與三花神祐九十餘粒津咽之月餘食進脉出又半月脉愈又一月經行亦此意也詳見久瘧予嘗體丹溪之意治陳氏婦二十餘歲形肥痞塞不食每日臥至未牌吃一盞薄粥吃粥後必吐水半碗仍復臥經不通三月矣前番曾暗通黑色脉之辰時寸關滑皆有力午後關滑寸不滑詢之因乘怒飲食而然遂以白朮一兩半厚朴枳實

黃連各一兩半夏茯苓陳皮山查人參滑石各八錢縮砂香附桃仁各半兩紅花二錢分作十貼每日服一貼各入薑汁二蜆殼間三日以神祐丸神秘沉香丸微下之至十二日吐止食漸進四十日平復如故又汪氏婦三十餘形瘦亦痞不食吐水經不通以前藥方加參朮歸為君煎熟入竹瀝半盞薑汁服之但不用神祐丸下亦平復若咳嗽寒熱而經閉者當於欬門濕痰條求之子凡婦人月事不來用茶調散吐之次用玉燭散芎

歸湯三和湯桂苓白朮散之類降心火益腎水開胃進
食分陰陽利水導之藥也 一婦人月事不行寒熱往
來口乾頰赤飲食少旦暮間欬一二聲諸醫皆用蠅蟲
水蛭乾漆礪砂芫青紅娘子沒藥血竭之類惟戴人不
然曰古方雖有此法奈病人服之必臍腹發痛飲食不
進乃命止藥飲食少進內經曰二陽之病發心脾心受
之則血不流故女子不月既心受積熱宜抑火升水流
濕潤燥開胃誘食乃涌出痰一二升下泄水五六行濕

水上下皆去血氣自然湍流月事不為水濕所隔自依期而至矣亦不用蠶蟲水蛭之類有毒之藥如用之則月經總來小便反閉他證生矣凡精血不足宜補之以食大忌有毒之藥偏勝而致天閤多矣 一婦年三十四歲經水不行寒熱往來面色痿黃唇焦頰赤時咳三二聲問其所服之藥黑神散烏金丸四物湯燒肝散鼈甲散建中湯寧肺散針艾千百轉劇家人意倦不欲求治戴人憫之先涌痰五六升午前涌畢午後食進餘證

悉除後三日復輕涌之又去痰一二升食益進不數日
又下通經散瀉訖一二升後數日去死皮數重小者如
麤片大者如葦膜不月餘經水自行神氣大康矣 月
事不來者胞脉閉也胞脉者屬心而絡於胞中今氣上
迫肺心氣不得下通故月事不來也 全文見水腫

大室女月水不來用雄鼠屎一兩燒存性為細末空心
溫酒調下一錢神效

海掌中金丸 治婦人乾血氣 穿山甲 炮 甘草 苦

丁香 川椒 苦葶歷 白附子 猪牙皂角

草烏頭 各三錢 巴豆 一錢全用研

右為細末以生葱絞汁和丸彈子大每用一九新綿包之內陰中一日即白二日即赤三日即血神效

仲婦人經水閉不利臟堅癖不止中有乾血下白物礬

石丸主之

礬石 三錢燒 杏仁 一分

右二味為末煉蜜丸棗核大內臟中劇者再內之

室女經閉成勞寇宗奭曰夫人之性以氣血為本人之

病未有不先傷其氣血者若室女童男積想在心思慮過度多致勞損男子則神色消散女子則月水先閉蓋憂愁思慮則傷心而血逆竭神色先散月水先閉且心病則不能養脾故不嗜食脾虛則金虧故發嗽腎水絕則木氣不榮而四肢乾痿故多怒鬚髮焦筋骨痿若五臟傳偏則死自能改易心志用藥扶持庶可保生切不可用青蒿蚰蟲等涼血行血宜用栢子仁九澤蘭湯益陰血製虛火 薛經云五穀入於胃其糟粕津液宗氣

分為三隊故宗氣積於胸中出於喉嚨以貫心肺而行呼吸榮氣者必其津液注之於脉化以為血以榮四肢內養五臟六腑若服苦寒之劑復傷胃氣必致不起

一室女年十七癰久不愈天癸未通發熱咳嗽飲食少思欲用通經丸余曰此蓋因稟氣不足陰血未充故耳但養氣血益津液其經自行彼惑於速效仍用之余曰非其治也此乃剽悍之劑大助陽火陰血得之則妄行脾胃得之則愈虛後果經血妄行飲食愈少遂致不救

柏子仁丸

全大

治如上證兼服澤蘭湯

柏子仁

炒別研

牛膝

卷栢

各半兩

澤蘭葉

續斷

各二兩

熟地黃

二兩

為細末煉蜜丸如梧子大空心米飲下三十九

澤蘭湯

澤蘭葉

三兩

當歸

芍藥

各一兩

甘草

半兩

為粗

末每服五錢水二盞煎一盞溫服

沉香鼈甲散 室女經候凝滯或頭目暈悶停痰五心

虛煩少食多困

沉香

甘草

炙

檳榔

各三分

木香

常山 當歸

柴胡

人參

半夏

桂心

生

地黃

白茯苓

青皮

淨陳皮

各一兩

鼈甲

半

右為細末每二錢薑二片水煎七分空心溫服

劫勞散 療心腎俱虛水火不交初則微嗽遇夜發熱即冷有盜汗倦怠瘦弱減食恍惚或微嗽唾中有紅線名曰肺痿為不治

白芍藥

六兩

黃芪

甘草

人參

當歸

半夏

白茯苓

北五味子

阿膠

炒

熟地黃

洗各二兩

右方每三大錢水盞半薑十二片棗三枚煎溫服百

藥不效一料除根

麥煎散 治少男室女骨蒸婦人血風攻瘕四肢心胸

煩壅口臭肌熱盜汗 鼈甲 大黃煨 常山 赤茯苓

苓 紫胡 白朮 當歸 乾漆炒煙 生地黄

石膏各一兩 甘草半兩

右為細末每服二錢水一盞小麥五十粒食後臨臥
溫服有虛汗加麻黃根一兩

救丹散

和劑

治血氣虛損內則月水不行外發潮熱肢

體羸瘦漸成骨蒸 乾漆炒二兩 蘇木 蓬莪朮 鬼

箭各一分 甘草 當歸 桂心 牡丹皮 芍藥

延胡索炒 淨陳皮 紅花 烏藥 沒藥別研各一兩

右㕮咀每服三錢水一盞煎七分溫服無時

六神湯

御藥

治血氣不足肢體煩熱四物湯加黃芪地

骨皮各等分㕮咀水煎 又治衝任虛損月水行肌

膚發熱如瘰狀四物湯各一兩柴胡半兩黃芩一分水煎

桃仁散 治婦人女子血閉不通五心煩熱 紅花

當歸

桃仁

炒 牛膝 各等分

右為末每服三錢酒調下空心服

脉師曰有一婦人將一女子年十五所來診言女子年十四時經水自下今經反斷其母言恐怖師曰若是夫人親女必夫人年十四時亦以經水下所以斷此為避年勿怪後當自下此真氣猶怯稟賦素弱而然也宜固天元真氣使水升火降則五臟自和而經脉通矣

入方

鹿茸

山茱萸

當歸

各四兩

麝香

一兩

為末入麝香拌勻酒糊丸每服百丸或五十九溫酒

鹽湯任下

針灸心經脉不通已有寒熱此穴大效 三陰交

三分立有

效如疼時乃經脉要通也

摘經脉不通

心術同

曲池 支溝 三里 三陰交

此四

穴壅塞不通則瀉之如虛耗不行則補之

集月經斷絕 中極 三陰交 腎俞 合谷

東又法

四滿

在丹田傍一寸半

心經脉不通變成痼證飲食如常腹漸大如蠱 氣海

用針通管去其瀉水惡物

陰交

取法亦如上去其惡物

甲月水不通奔瀉氣上下引腰脊痛氣穴主之 女子

不下月水照海主之 婦人少腹堅痛月水不通帶脉

主之 月水不利見血而有身則反敗及乳腫臨泣主

之

診腎脉微濡為不月

血崩

殺血心痛附

大法丹紫色成塊者血熱四物加黃連柴胡之類 氣
虛血虛者皆於四物內加參芪 急則治其標白芷湯
調百草霜甚者棕櫚灰後用四物加炒乾薑調理因勞
者用人參帶升補藥因熱者用黃芩因寒者用炒乾薑
戴血大至曰崩中或清或濁或純下瘀血或腐勢不
可止證狀非一所感亦異甚則頭目昏暈四肢厥冷並
宜膠艾湯嘔震靈丹佐以三灰散或以童子小便煎理
中湯或以沉香降氣湯加入百草霜米飲調下血崩甚

而腹痛人多疑惡血未盡又見血色瘀黑愈信惡血之
說不敢止截大凡血之為患欲出未出之際停在腹中
即成瘀色難盡以瘀為惡又焉知瘀之不為虛冷乎若
必待見瘀血之後截之恐併與人無之矣此腹痛更有
說瘀而腹痛血通而痛止崩而腹痛血住則痛止宜芎
歸湯加乾薑熟附一錢止其血而痛自止仍以刺花繡
拭黑片燒灰研末米飲調下一方以毛蟹殼燒存性米
飲下亦有以早黃麻根燒灰為末米飲下 薛經云陰

虛陽搏謂之崩又云陽絡傷則血外溢陰絡傷則血內溢又云脾統血肝藏血其為患因脾胃虛損不能攝血歸源或因肝經有火血得熱而下行或因肝經有風血得風而妄行或因怒動肝火血熱而沸騰或因脾經鬱結血傷而不歸經或因悲哀太過胞絡傷而下崩治療之法脾胃虛弱者六君子湯加當歸川芎柴胡脾胃虛陷者補中益氣湯加酒炒芍藥山梔肝經血熱者四物湯加柴胡山梔苓朮肝經風熱者加味逍遙散或小柴

胡湯加山梔芍藥丹皮若怒動肝火亦用前藥脾經鬱
火者歸脾湯加山梔柴胡丹皮哀傷胞絡者四君子湯
加柴胡升麻山梔故東垣丹溪諸先生云凡下血證須
用四君子以收功斯言厥有旨哉若夫去血後母以脉
診當急用獨參湯救之其發熱潮熱咳嗽脉數乃是元
氣虛弱假熱之脉也尤當用人參之類此等證候無不
由脾胃先損故脉洪大察其有胃氣受補則可救設用
寒涼之藥復傷脾胃生氣反不能攝血歸源是速其危

也

經驗簡要治崩中等證 冷者脉緊細手足寒紅去淡
黑或五色當歸建中加白龍骨血竭附子下紫石英丸
震靈丹炙火 熱者脉洪四肢溫心煩口苦燥血沸而
成用黃芩湯荊芥散或清心蓮子飲加竹瀝生地黃汁
甚者生地黃汁磨京墨百草霜冷服 虛者膠艾湯加
麥門冬鹿茸龍骨酸棗仁或養榮湯加龍骨血竭送震
靈丹 實者腹中痛煮附丸四物湯加香附子 心虛

者恍惚多夢健忘舌強小便多面紅盜汗栢子仁湯酸棗仁湯加龍骨京墨百草霜吞靈砂丹又靈砂當歸蓮肉龍骨棗肉丸參湯送下崩中作麝香當歸香者心氣已散急服靈砂龍骨等有田婦崩中斷下者用大蕪根酒煎清早服生麥中如蓬蒿花或云即薊根也

產寶分陰崩陽崩 受熱而赤謂之陽崩 受冷而白謂之陰崩

膠艾湯 治陽崩不止小腹疼痛

見前月水不斷條

固經丸 治陰崩不止 艾葉醋炒 鹿角霜 伏龍肝

乾薑 各等分
為末

右鎔鹿角膠和藥乘熱丸食後淡醋湯下五十丸
丹溪云涎鬱胸中清氣不升故經脉壅遏而降下非關
涎不足以行氣非氣升則血不能歸隧道此論血泄之
義甚明蓋開胸膈濁涎則清氣升清氣升則血歸隧道
不崩矣故其證或腹滿如孕或臍腹疔痛或血結成片
或血出則快止則悶或臍上動其治法宜開結痰行滯

氣消汚血

開痰江氏婦三十餘歲墮胎後血不止食少中滿倦怠
不起燥煩六脉沉伏而數重取微弦予作怒氣傷肝感
動胃氣 二陳加川芎白朮縮砂二十帖而安

仲旋覆花湯

治半產漏下脉弦而大

旋覆花

三蔥兩

十四
新絳少許

右三味以水三升煮取一升頓服之

本草云旋覆
主留飲結氣

半夏丸

直指

治下血吐血崩中帶下痰喘急滿虛腫亦

消宿瘀百病圓白半夏刮淨搥匾薑汁調飛白麴作餅色炙黃色去麴取半夏作末用米糊為丸棗豆大每服十九溫熱水下芎歸湯沉香降氣湯各半煎送下止血之要藥

千治婦人崩中下血不止以衣中白魚鱸鱖等分為末以井花水服之日三服瘥

右三方開痰

行氣羅備金散 治婦人血崩不止 香附子炒四兩當

歸尾

一兩二錢

五靈脂

一兩炒

右為細末每服五錢醋湯調空心服立效

本治下血不止或成五色崩漏用香附子春去皮毛中斷之略炒為末每服二錢清米飲調下此方徐朝奉傳其內人有是疾徧服藥不效後服此遂愈久服為佳亦治產後腹痛大是婦人仙藥常服益血調氣

大煮附丸

見前調經平劑一方用香附子白芷為丸

縮砂散 治血崩用縮砂仁不以多少於新瓦上炒香

為細末米飲調下三錢

右四方行滯氣

消汚血世治血崩用乾荷葉濃煎湯一碗空心服之立
愈或調醋炒香附末尤妙

五靈脂散 治婦人血崩及治男子脾積氣 五靈脂

不以多少炒
今烟盡研末

右為末每服一錢溫酒調下此藥兼能解毒及蛇蟻
蜈蚣咬塗傷處立愈一方每服三錢水酒童便各半

蓋煎至八分通口服名抽刀散治產後有病服三服
散惡血或心腹脇肋脚痛不可忍者或止用童子小
便尤佳或中風即入草烏頭半錢同煎亦治腸風下
血如不飲酒者煎烏梅栢葉湯調下如心煩口乾渴
者加蒲黃炒減半一方燒存性霹靂酒下然此藥氣
惡難喫燒之存性極妙一方治婦人經血不止加當
歸兩片酒一盅與藥末同煎服昔親戚黃守正卿為
和劑局日內子凌夫人忽苦此疾危殆百藥不效偶

得此旋服遂愈

雲治血崩不止五靈脂二錢炒熱加當歸酒同煎或水
酒童便各半盞同煎服一方五靈脂半生半熟為末酒
調服一方水煎五靈脂半乾去渣澄清再煎成膏入神
麴末為丸如桐子大空心溫酒下二三十丸便止

又方 鹿茸

醋炙

當歸

各二錢

蒲黃

半兩炒

右為末溫酒調下五錢七日三服

仲桂枝茯苓丸

治婦人有癥在臍上動下血不止

方見

胎動
下血

右四方消汚血

補養垣當歸芍藥湯 治婦人經脉漏下不止其色鮮
紅時值七月處暑之間先因勞役脾胃虛弱氣短逆
自汗不止身熱悶亂惡見飲食亦不思食沉困嬾倦
四肢無力大便時瀉後復因心氣不足其經脉再下
不止惟覺氣下脫其元氣逆上全無惟覺心腹中氣
不行氣短則不能言是無力以言非懶語也此藥主

之

黃芪

一兩半

白朮

蒼朮

甘浸去皮

當歸身

白芍藥

各五

錢

甘草

炙

生地黃

各三分

柴胡

二分

熟地黃

陳皮

去白

各五分

右作二服水煎去滓熱服空心一服之後漸減次日

諸證悉去頓喜飲食蓋氣通而聞飲食之香得平康也

薛一婦人面黃或赤覺腰間或臍下作痛四肢困倦煩

熱不安經行先發寒熱兩肋如束血湧如崩此脾胃虧

損元氣下陷與相火溼熱所致用補中益氣加防風芍藥炒黑黃檗間以歸脾湯調補而血始歸經 汪石山治一婦年逾四十形色蒼紫忽病血崩醫者或用涼血或用止溢俱罔效診之六脉皆沉濡而緩按之無力乃氣病非血病也當用甘溫之劑健脾理胃使胃氣上騰血循經絡則無復崩矣遂用補中益氣湯多加參芪兼服參苓白朮散崩果愈

金匱膠艾湯 治勞傷血氣月水過多淋瀝漏下連日

不止臍腹疼痛及妊娠將攝失宜胎動不安腹痛下
墜或勞傷胞絡胞阻漏血腰痛悶亂或因損動胎上
搶心奔衝短氣及因產乳衝任氣虛不能約制延引
日月漸成羸瘦

方見前月水不斷條

薛一婦人久患血崩肢體消瘦飲食到口但聞腥臊口
出津液強食少許腹中作脹此血枯之證肺肝脾胃虧
損之患用八珍湯烏賊魚骨圓兼服兩月而經行百餘
劑而康寧如舊矣

栢子仁湯 治婦人憂思過度勞傷心經不能藏血遂

致崩中下血不止

栢子仁

炒

香附子

炒去毛

芎藭

鹿茸

火燎去毛酒蒸焙

茯神

去皮木

當歸

各一錢半

阿膠

小草

各一錢

川續斷

二錢

甘草

炙半錢

右作一服水二鍾生薑五片煎至一鍾空心服

補脾升陽垣經水漏不住有二補前人之闕 婦人脾

胃虛損致命門脉沉細而數疾或沉弦而洪大有力寸

關脉亦然皆由脾胃有虧下陷於腎與相火相合溼熱

下迫經漏不止其色紫黑如夏月腐肉之臭中有白帶者脉必弦細寒作於中有赤帶者其脉洪數病熱明矣必腰痛或臍下痛臨經欲行而先發寒熱往來兩脇急縮兼脾胃證出見或四肢困熱心煩悶不得眠臥心下急宜大補脾胃而升降氣血可一服而愈或先貴而後賤或先富而後貧病名脫營者心氣不足其火大熾旺於血脉之中又致脾胃飲食失節火乘其中形質肌肉顏色似不病者此心病也不形於脉故脾胃飲食不調

其證顯矣而經水不時而下或適來適斷暴下不止治
當先說惡死之言勸諭令懼死而心不動以大補氣血
之劑補養脾胃微加鎮隊心火之藥治其心補陰瀉陽
經自止矣痿論云悲哀太甚則胞絡絕胞絡絕則陽氣
內動發則心下崩數洩血也故經曰大經空虛發則肌
痺傳為脉痿此之謂也

益胃升陽湯 治血脫益氣古人之法也先補胃氣以
助生長故曰陽生陰長諸甘藥為之先務舉世皆以

為補氣殊不知甘能生血此陽生陰長之理也故先理胃氣人之一身內穀為寶

黃芪

二錢

人參

有嗽者去之

神麴

炒各一錢半

升麻

柴胡

各五錢

分

白朮

三錢

當歸身

酒浸

甘草

炙

陳皮

各一錢

生黃芩

二錢

渴盛暑之伏金肺逆秋涼不用

一方用生地黃

右服三錢或五錢食添再加之如食減已定三錢內更減之不可多服每服三錢水煎去滓熱服如腹痛每服加白芍藥二分中桂少許如渴口乾加乾葛二

分如嗽去人參服不計時候

蓋先服此益胃氣升陽湯不止却服後方柴胡調經

湯大舉大升之也

升陽宣德侯經歷家人病崩漏醫莫能效切脉之後且以紙疏其證至四十餘種為制調經升陽除濕湯療之明日而十減其八前後五六日良愈

調經升陽除濕湯 治女子漏下惡血月事不調或暴崩不止多下水漿之物皆由飲食不節或勞傷形體或素有心氣不足因飲酒勞倦致令心火乘脾其人

必怠惰嗜臥四肢不收困倦乏力無氣以動氣短上
氣逆急上衝其脉緩而弦急按之洪大皆中指不得
之脾土受邪也脾主滋榮周身者也心主血血主脉
二者受邪病皆在脉脉者血之府也人者脉之神也
心不主令胞絡代之故曰心之脉主屬心系心系者
胞絡命門之脉也主月事生孕皆由脾胃虛而心胞
乘之故漏下血水不調也况脾胃為陰陽之根蒂當
除濕去熱益風氣上伸以勝其濕又云火鬱則發之

柴胡 防風 甘草 炙 藁本 升麻 各一錢 羌活

蒼朮

黃芪

各一錢半

獨活

當歸

酒浸各五分

蔓荊子

七分

右咬咀水五大盞煎至一大盞去滓稍熱服空心服藥畢待少時以早饌壓之可一服而已如灸足太陰脾經中血海穴二七壯或三七壯立已 此藥乃從權衡之法用風勝濕為胃氣下陷而氣迫於下以救其血之暴崩也若病愈經血惡物已盡主病雖除後必須以黃芪甘草人參當歸之類數服以補之於補

氣升陽湯中加和血藥是也若經血氣惡物下之不
絕尤宜救其根源治其本經只益脾胃退心火之亢
乃治其根蒂也若遇夏月白帶下脫漏不止宜用此
湯一服立止

柴胡調經湯 治經水不止鮮血項筋急腦痛脊骨強
痛不思飲食

羌活 獨活 藁本 升麻 各五分 蒼朮 一錢 柴胡根

七分 葛根 當歸身 甘草 各三分 紅花 少許

作一服水煎去滓稍熱空心服微汗立止

一婦人經後黑血凝結成塊左廂有血瘕水瀉不止穀食有時一化有時不化至今歲四月血塊暴下併水注俱作是前後二陰有形之血脫竭於下既久經候尤不調水瀉日見三兩行食罷心煩不快飲食減少甚至瘦弱東垣先生曰夫聖人治病必本四時升降浮沉之理權變之宜若不本四時以順為逆非其治也且治之大法必先歲氣無伐天和無盛盛無虛虛遺人天殃無致

邪無失正絕人長命故聖人云陽盛陰虛下之則愈汗之則死陰盛陽虛汗之則愈下之則死大抵聖人立法各自有義且如升陽或發散之劑是助春夏之陽氣令其上升乃瀉秋冬收藏殞殺寒涼之氣此病是也當用此法治之乃升降浮沉之至理也夫天地之氣以升降浮沉乃從四時如治病逆之則殺人矣故經云順天者昌逆天者亡可不畏哉夫人之身亦有天地四時之氣不可止認在外人體亦同天地也今經漏不止是前陰

之氣血已下脫矣水瀉又數年不愈是後陰之氣血又下陷矣後陰者主有形之物也前陰者精氣之門戶俱下竭是病人周身之氣常行秋冬之令陰主殺此等收藏之病是也陽生陰長春夏是也在人身之中令氣升浮者殺氣上行是也既病則周身血氣皆不生長穀氣又不升其肌肉消少是兩儀之氣俱將絕矣既下元二陰俱脫血氣消竭假令當日元是熱證今又焦久脫已化為寒矣此病久沉久降寒濕太勝當急救之瀉寒以

熱降濕以燥大升大舉以助長生補養氣血不致偏枯
聖人立治之法云濕氣大勝以所勝助之助甲風木上
升是也故經云風勝濕是以所勝平之也當調和胃氣
次用白朮之類以燥其濕而滋元氣如其不止後用風
藥以風勝濕此之謂也此藥便是大舉大升以助春夏
二濕之久陷下之至治也又一本云此病次用四物隨
濕證加減

大獨聖散 治婦人血崩不止用防風去蘆不以多少

為細末酒煮白麴清調下二錢空心食前日二服更
以麴作糊酒投之極驗

治血崩夏枯草為細末每服二錢米飲調下無時服

干治崩中不止芎藭八兩清酒五升煎至二升半分三

服不耐者徐徐進之

義云芎不可久服令人暴死

右大舉大升之劑治崩脉沉弦而洪或沉細而數者
皆胃氣下陷也或崩而又久瀉者亦胃氣下陷也故
舉之升之其病愈也

養血行氣加減四物湯 治室女二七天癸至亦有當

時未至而後至者亦有卒然暴下淋瀝有若崩漏者

失血過多變生諸證悉宜服之 川芎 熟地黃

洗焙

川當歸

去蘆酒潤切焙

白芍藥

各一兩

香附子

炒去毛一兩半

右方每服四錢水一盞半生薑五片煎至七分去滓

食前溫服如血色鮮而不止者去熟地黃加生地黃

煎服

補中去積丁未年冬郭大方米說其妻經水暴崩不止

先曾殞身失血自後一次經數日而來今次不止其人
心窄性急多驚以予料之他日必因心氣不足飲食失
節得之大方曰容到彼診得掌中寒脉沉細而緩間而
沉數九竅微不利四肢無力上喘氣短促口鼻氣皆不
調果有心氣不足飲食失節脾胃虛弱之證胃脘當心
而痛左脇下急縮有積當臍有動氣腹中鳴下氣大便
難諸虛證極多不能盡錄擬先治其本餘證可以皆去
與安心定志鎮墜其驚調和脾胃大益元氣補其血脉

養其心神以大熱之劑去其冬寒凝在皮膚內少加生地黃去命門相火不令四肢痿弱黃芪當歸人參湯

黃芪

人參

麻黃

不去節表閉汗

黃連

鎮心驚各一錢

當歸

一錢

半草豆蔻

七分神麴

消食去脾胃寒

桂枝

必先歲氣無伐天和也

陳皮

各五分

杏仁

九箇研如泥

生地黄

三分去腎火大去冬月相火之旺

右咬咀水三大盞先煮麻黃數沸去滓入前藥同煎

至一大盞於巳午之前食消盡服之其胃脘痛乃胃

上有客寒與大熱藥草豆蔻九一十五丸其痛立止

再與肝之積藥除其積之根源而愈

地黃丸 治足三陰虧損經行數日不止或兼帶下無

子

熟地黃

自製

山茱萸肉

蕪荑仁

白芍藥

微炒

代赭

石

各一兩

乾薑

炮

白殭蠶

炒

厚朴

薑製各三錢

右蜜丸桐子大每服五丸空心溫酒下日三服 右

虛挾積滯而崩嘗治一老婦人血崩不止流流不絕
滿牀皆血起牀不得者三月矣腹滿如孕子作虛挾

痰積汚血治之用四物四兩參朮各一兩甘草半兩
以治虛香附三兩半夏一兩半茯苓陳皮枳實縮砂
玄胡各一兩以破痰積汚血分二十貼每貼煎乾加
荷葉側柏葉湯再煎服之服盡良愈今再不發神效
涼劑素陰虛陽搏謂之崩

垣涼血地黃湯 治婦人血崩不止腎水陰虛不能鎮
守包絡相火故血走而崩也 生地黃 當歸尾

錢黃連 黃檗 知母 蘘本 川芎 升麻

各二

各半

分紅花許少柴胡 防風 川羌活 黃芩 細辛

荊芥穗

蔓荊子

甘草

炙各一分

右用水三盞煎一盞去滓空心熱服足太陰脾之經
中血海二穴在膝臑上內廉白肉際二寸中治女子
漏中惡血月事不調逆氣腹脹其脉緩者是也灸三
壯足少陰腎之經中陰谷二穴在膝內輔骨後大筋
下小筋上按之應手屈膝取之治膝如錐不得屈伸
舌縱涎流煩逆溺難少腹急引陰痛股內痛婦人漏

下不止腹脹滿不得息小便黃如蠱女子如妊身可
灸三壯

大小蓊湯 治崩漏不止色明如水得溫則煩悶者此

陽傷於陰令人下血當補其陰脉數疾小者順大者

逆 小蓊莖葉

研取汁

生地黃

研取汁各一盞

白朮

半兩剉

右方入水一盞煎減一半去滓溫服

芎藭酒

治崩中晝夜不止醫不能治

芎藭

一兩生地

黃汁

一盞

用酒五盞煮芎藭一盞去滓下地黃汁再煎分為三服

治崩中去血不止

大小薊根

五兩

白茅根

三兩

右二味細切用酒五斤煮取四升去渣分四服

丹漏下乃熱兼虛四物加黃連

奇效四物湯

治有熱久患血崩

當歸

頭尾俱用

白芍藥

大川芎

熟地黃

洗焙

大艾葉

阿膠

蛤粉炒如珠子

黃芩

去黑者各半兩

右每服四錢水一盞半生薑五片煎七分空心溫服

有一

醫療血崩往咬咀藥鋪市藥其方則四物湯加阿膠大艾也就鋪分作八服又為鋪索黃芩半兩加入藥內鋪家亦醫者曰此藥何為加黃芩醫曰非女所知吾與此藥政以黃芩為主夫心主血血得熱則行得寒則止病者一服而愈服即八服至今無恙又見數婦血崩者亦用此醫以黃連解毒湯加大艾治無不效者又當量其虛實用之

雲金華散 治血室有熱崩下不止服溫藥不效者

延胡索 瞿麥穗 當歸 乾薑 牡丹皮

各一兩

石膏

二兩 桂心 別研

威靈仙

各七錢半

蒲黃

半兩

右為細末每服三錢水一盞半空心溫服日二服

治崩中下血方 崩中藥多是用止血藥及補血藥惟

此方治陽乘陰所謂天暑地熱經水沸溢者 黃芩

不拘
多少

右為末每服一錢霹靂酒調下一方荊芥湯下近朝
王御醫直夜有宮女血如山崩其時暑月藥笥中只
有大順散兩貼冷水調服即效知醫者要在權變也
治漏下五色亦治嘔血令人黃瘦虛弱

右用地榆二兩剉碎以醋一升煮十餘沸去滓食前
稍熱服一合 本草注云地榆主帶下十二病一曰

多赤二曰多白三曰月水不通四曰陰蝕五曰子藏
堅六曰子門澀七曰合陰陽患痛八曰小腹寒痛九
曰子門閉十曰子宮冷十一曰夢與鬼交十二曰五
藏不定一方竹葉水煎服代茶甚解熱

丹經水多去不能住以三補丸加莎根龜板金毛狗脊

三補丸者
芩黃榮也

子和孟官人母年五十餘血崩一載僉用澤蘭丸黑神
散保安丸白薇散補之不效戴人見之曰天癸已盡本

不當下血蓋血得熱而流散非寒也夫女子血崩多因
大悲哭悲甚則肺葉布心系為之急血不禁而下崩內
經曰陰虛陽搏謂之崩陰脉不足陽脉有餘數則內崩
血乃下流舉世以虛損治之莫有知其非者可服大劑
大劑者黃連解毒湯是也次以香附二兩炒白芍藥二
兩焙當歸二兩焙三味同為細末水調下又服檳榔丸
不旬日而安 西園公治一婦人年六十二歲血崩不
止投黃連解毒湯四貼後服涼膈散合四物六貼即愈

此婦因悲哀太過則心悶急肺布葉舉而上焦不通熱氣在中血走而崩故效薛一婦人年將七十素有肝脾之證每作則飲食不進或胸膈不利或中脘作痛或大便作瀉或小便不利余用逍遙散加山梔茯神遠志木香而愈後憂女孀居不時吐紫血其病每作先倦怠而後發熱經曰積憂傷肺積思傷脾肺布葉舉是令子母俱病不能攝血歸經而致前證遂以前藥加炒黑黃連三分吳茱萸二分頓愈復因怒吐赤血甚多燥渴垂

死此血脫也法當補氣乃用人參一兩苓朮當歸各三錢陳皮炮黑乾薑各二錢炙草木香各錢一劑頓止

一婦人年六十四久鬱怒頭痛寒熱春間乳內時痛服流氣飲之類益甚不時有血如經行又大驚恐飲食不進夜寐不寧乳腫及兩脇焮痛如炙午後色赤余以為肝脾鬱火血燥先以逍遙散加酒炒黑龍膽一錢山梔一錢半二劑腫痛頓退又二劑而全消再用歸脾加炒梔貝母諸證悉愈一婦人因怒崩血久不已面青黃

而或赤此肝木制脾土而血虛也用小柴胡合四物以清肝火生肝血又用歸脾補中二湯以益脾氣生肝血而瘥此證若因肝經有風熱而血不寧者用防風一味為丸以兼證之藥煎送或肝經火動而血不寧者用條芩炒為丸以兼證之藥煎送無有不效 一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受尅則內證作若目病見用四物加白朮茯苓柴胡炒梔炒

龍膽若內證作用四君子加柴胡芍藥神麴吳茱萸炒
過黃連諸證漸愈惟月經不止是血分有熱脾氣尚虛
以逍遙散倍用白朮茯苓陳皮又以補中益氣加酒炒
芍藥兼服而調

溫劑垣丁香膠艾湯 治崩漏不止蓋心氣不足勞役
及飲食不節所得經隔少時其脉兩尺俱弦緊而洪
按之無力其證自覺臍下如冰求厚衣被以禦其寒
白帶白滑之物雖多間下如屋漏水下時有鮮血不

多右尺脉時微洪屋漏水多暴下者是急弦脉為寒
多而洪脉時見乃熱少合而言之急弦者北方寒水
多也洪脉時出者命門胞絡之火也黑物多赤物少
合成屋漏水之狀也

川芎

丁香

各四分

熟地黄

以瀉大洪脉

白芍藥

各三分

阿

膠

炒六分
另後入

當歸身

一錢
二分

生艾葉

一錢
後入

右為細末作一服水二盞煎至五沸去滓入膠艾再上
火煎至一大盞空心宿食消盡熱服三劑即效

大治血崩

熟艾

如雞子大

阿膠

半兩

乾薑

一錢

右為粗末用水五盞先煎艾葉薑至二盞半入膠消

溫分二服空心服

芎藭湯

一名芎藭溫中湯

治帶下漏血不止及風虛冷熱勞

損衝任月水不調崩中暴下腰重裏急淋瀝不斷及產後失血過多虛羸腹痛或妊娠胎動不安下血連

日小便頻數肢體煩倦頭暈目暗不欲飲食 芎藭

黃芪

芍藥

乾地黄

吳茱萸

甘草

各二兩

當歸 乾薑

各一兩

右咬咀以水一斗煮取三升分二服若月經後因有赤

白不止者除地黄茺莢加杜仲人參各二兩

斷下湯 治衝任氣虛崩中漏下經脉不調每遇月候

將來臍腹腰脚先痛漸減飲食四肢乏力及帶下三

十六疾悉能療之

人參

去蘆

熟地黄

洗焙

艾葉

醋炒各

烏鰂骨

燒

當歸

洗

酒

各二兩

川芎

錢七

乾薑

炮半兩

阿膠

蛤粉炒成

珠七錢半

右吹咀每服五錢水一盞半煎至七分去滓食前溫服

治崩漏方

四物湯

兩

人參

二錢

吳茱萸

一錢

右每服半兩薑棗煎食前五六服寒熱腹痛皆退崩漏未止續服後熟附丸

熟附丸

熟附子

木賊

去節

龍骨

煨

赤石脂

煨各半兩

川芎

當歸

各一兩

右為細末醋糊為丸如梧子大每服五六十丸食前米飲下一婦人年五十已上經斷七年忽然經行

遂成崩漏發熱腹痛兩月不瘥予診其脉虛細疾數
予曰此乃陰虛而致宜服此藥

鹿茸丸 治經候過多其色瘀黑甚者崩下吸吸少氣

臍腹冷極則汗出如雨尺脉微小由衝任虛衰為風
冷客乘胞中氣不能固可灸關元百壯在臍下正中

三寸 鹿茸

焙去毛
酥炙

赤石脂

制

禹餘糧

製各
一兩

艾葉

方一

無 栢葉

附子

炮各
半兩

熟地黄

當歸

續斷

各二
兩

右為細末酒糊和丸梧子大每服三十九空心溫酒

下一方煉蜜丸亦可

赤龍丹

治崩中不止

禹餘糧

炒

烏鰂骨

鹿茸

龍骨

石燕

煨

阿膠

當歸

乾薑

各等分

右為末酒糊丸服五十九溫酒下

紫金散

治月水過多崩漏帶下淋瀝不斷腰腹重痛

一切五色帶疾

禹餘糧

煨赤醋淬七次細研水飛浥乾秤三兩

白

芍藥 川芎

熟地黃

附子

當歸

各一兩

乾薑

炮

肉桂

各半兩

赤石脂

龍骨

各煨並一兩別研

右為細末每服二錢入麝香少許米飲空心調下

白芷暖宮丸 暖血海實衝任治子宮虛弱風寒客滯

斷緒不成孕育及數墮胎或帶下赤白漏下五色虛

眩少氣胸腹滿痛心下煩悸自汗下血過多 禹餘

糧

製一兩

乾薑

炮

芍藥

白芷

川椒

製

阿膠

粉艾

葉

製

川芎

各七錢半

右為細末蜜丸梧子大每服四十九米飲溫酒醋湯下

和劑震靈丹 治崩中下血不止或脉虛細手足或冷

以芎歸湯加木香煎送下或陳皮香附子煎湯下三
九或靈砂丹亦可兼治暴驚風九竅出血獨參湯下

方見雜病
泄瀉門

又方治崩中不止丁香二兩為細末用酒三升煮取一
升空心頓服必效方用丁香百顆酒溫服

又方益智炒為細末鹽米飲調下

和劑暖宮丸 內補當歸丸 熟乾地黃丸 濟陰丹

禹餘糧丸 內炙散 皺血丸 紫石英丸

右諸方並治崩中帶漏並見前通治門及調經門

薛表弟方健甫內五十歲卒丑患血崩諸藥罔效壬寅
八月身熱體痛頭暈涕出吐痰少食衆作火治展轉發
熱絕粒數日余診之曰脾胃久虛過服寒藥中病未已
寒病復起遂用八味丸料一服翌早遂索粥數匙再服
食倍熱減痛止乃服八味丸而愈癸卯秋因勞役憂怒
甲辰夏病復作胸飽發熱脊痛腰疼神氣怫鬱或作內
傷或作中暑崩血便血煩渴引飲粒米不進昏憤時作

脉洪大按之微弱此無根之火內虛寒而外假熱也以
十全大補加附子一劑遂食粥三四匙崩血漸減日服
八味丸始得全愈 大尹王天成之內久患崩自服四
物涼血之劑或作或輟因怒發熱其血不止服前藥不
應乃主降火更加腹脇大痛手足俱冷余曰此脾胃虛
寒所致先用附子理中湯體熱痛止又用濟生歸脾補
中益氣二湯崩血頓愈若泥痛無補法則誤矣 錦衣
楊永興之內患前證過服寒涼之劑其證益甚更加肚

腹痛悶飲食不入發熱煩燥脉洪大而虛余曰此脾經
氣血虛而發燥也當急用八珍湯加炮薑以溫補之緩
則不救不信乃服止血降火之劑虛證蜂起始信余言
緩不及治矣

濕劑大治崩中下血不止小腹痛

芍藥

一兩
炒黃

栢葉

六兩

微炒丹溪云
栢葉性多燥

右用水一升煎取六合入酒五合煎取七合空心分
為二服一方為細末酒調二錢一方有鹿角膠等分

酒調治白帶臍腹痛

世牡蠣散 治月水不止衆藥不愈者牡蠣火煨研細
用醋調成丸再煨過通紅候冷研細出火毒却用醋
調艾末熬成膏和丸如桐子大每服五十丸醋艾湯
下

燥劑雲栢黃散

療經血不止

黃芩

一兩二錢半

側栢葉

蒲黃

各一兩

伏龍肝

二兩

右咬咀水二升煎取八合分為二服

又方 治患崩中不止結作血片如雞肝色碎爛 芎

藭

十二分

阿膠

青竹茹

各八分

續斷

地榆

小薊

根

各三分

當歸

六分

生地黄

伏龍肝

各十分

右用水九盞煮取三盞去滓分三劑服

衍治婦人血露蠶砂一兩炒伏龍肝半兩阿膠一兩同

為末溫酒調空心二三錢以知為度

大全名無比散無阿膠

羅伏龍肝散 治氣血勞傷衝任脉虛經云非時忽然

崩下或如豆汁或成血片或五色相雜或赤白相兼

臍腹冷痛經久未止令人黃瘦口乾飲食減少四肢

無力虛煩驚悸

伏龍肝

一兩

甘草

半兩

赤石脂

一兩

芎藭

三兩肉桂

半兩

熟地黃

艾葉

微炒

各二兩

當歸

乾薑

各七

錢半

麥門冬

去心一兩半

右每服四錢棗一枚水煎

地榆散

治婦人崩中漏下不止

地榆

蒲黃

白

芍藥

白茯苓

栢葉

微炒

蟹爪

微炒

熟地黃

鹿角

膠

搗碎炒

漏蘆

各一兩

芎藭

當歸

剉炒

各七錢半

伏龍肝

一兩
半

乾薑

炮

桂心

甘草

剉炙赤
各半兩

右剉碎每服三錢水一中盞入竹茹一分煎至七分

去滓食前溫服

右五方伏龍肝例蓋燥可去濕也前二方去濕熱後
二方去寒濕按伏龍肝為止血之聖藥先賢治崩用
旋覆花半夏治膈間濕痰而崩止者亦此意

補濕鹿茸散

治崩中漏下不止虛損羸瘦

鹿茸

二兩

去毛塗酥
炙微黃

白龍骨

鼈甲

塗酥炙令
黃去灰

熟地黃

白

芍藥 白石脂 烏鰂魚骨 黃續斷 肉蓯蓉

炙 各一兩

一兩半酒浸一宿
刮去皺皮炙乾

右為細末每服二錢食前粥飲調下

栢葉散 治婦人崩中漏下不問年月遠近漸至黃瘦

四肢無力腹內疼痛不思飲食 栢葉 續斷 川

芎 生地黃 當歸 龜甲 禹餘糧 阿

各一兩半 二兩半

膠 牡蠣 地榆 赤石脂 艾葉 鹿茸

各一兩

鼈甲 一兩半

右為細末每服二錢食前粥飲調下一方有丹參鹿茸蜜和丸如梧子大每服三四十丸空心溫酒下

補宮丸 治婦人諸虛不足久不妊娠骨熱形羸崩中帶下

白薇 牡蠣 白芍藥 鹿角霜 山藥 白朮

白茯苓 烏鰂魚骨 白芷

各等分

右麴和丸如梧子大每服五十九丸空心用米飲送下
鎮宮丸 治婦人崩漏不止或下五色或赤白不定或

如豆汁或狀如豚肝或下瘀血臍腹脹痛頭暈眼花

久而不止令人黃瘦口乾胸煩不食 代赭石 火煨 醋淬

紫石英

禹餘糧

制並同

香附子

醋煮各二兩

陽起石

火煨

細研 鹿茸

燎去毛 醋蒸焙

茯神

去皮

阿膠

剉碎蛤粉炒成珠

當歸

去蘆

酒浸 蒲黃

炒 芎藭

各一兩

血竭

半兩 別研

右為細末同艾煎醋汁煮糯米粉糊丸如梧子大每

服七十丸空心米飲下

血見黑則止治暴崩下血京墨為末二錢匕同燒露蜂

房為末三指撮酒調服 又方百草霜二錢狗膽汁
拌定分作二服當歸酒調下

世治血崩用葫蘆去子穰實荊芥穗燒存性飲湯調服

治室女血崩不以冷熱皆可服

荊芥

蓮房殼

各等分各

燒灰
存性

右為細末每服二錢空心米飲調下

十灰丸

治崩中下血不止

錦灰

黃絹灰

馬尾

灰

艾葉灰

藕節灰

蓮房灰

油髮灰

赤

松皮灰

樓櫓灰

蒲黃灰

各等分

右研勻用醋煮糯米和丸如梧子大每服七十九加至一百丸空心米飲下

十灰散

治下血不止

錦片

木賊

樓櫓

栢葉

艾葉

乾漆

鯽魚鱗

鯉魚鱗

血餘

當

歸

已上逐味火化存性各等分研末

麝香

少許研

右研勻每服二錢空心溫酒調服

一笑散

治婦人血崩

右用新綿一口燒灰研末空心酒調下立止

治婦人經年血崩

香附子

二兩
炒赤

蓮殼

五枚燒
存性

右為細末每服二錢空心陳米飲調下

世香礬散

治血崩香附子不以多少極酸醋浸一宿

炒

石炭存性每一兩入白礬末二錢米飲調服空

心神效一法用荷葉湯尤妙

大用香附子去毛炒焦黑存性為細末用極熱酒調下
二錢於溫服不過兩服立愈昏迷甚者三錢匕如血山

崩不止者亦能解之米飲調亦可許學士云治下血不止或成五色崩漏香附子是婦人仙藥也砂仁不以多少新瓦上炒黑為末米飲調一方益智仁炒黑為末鹽米飲調下

世婦人血崩不止用檳榔燒灰存性碾末以溫酒調下甚妙

大五靈脂散治婦人血崩諸藥不止者五靈脂炒令烟盡為末每服一錢溫酒調下一法每服一錢水酒童便

各半盞煎服名抽刀散

琥珀散 治崩暴不止 赤芍藥 香附子 枯荷葉

男子髮

皂莢水洗

當歸

椶櫚

炒焦存性

烏紗帽

是漆紗頭巾取

陽氣上衝故也

右等分除椶櫚外其餘並用粗片新瓦上煨成黑灰存性三分為細末每服五錢空心童便調下如人行十里再一服七八服即止若產後血去多加米醋京墨麝香少許 一法先以五積散加醋煎投一二服

次服五靈脂散

衍黃牛角鰓用尖燒為黑灰微存性治婦人血崩大便
血及冷痢白痢

止者鹿角燒灰細研食前溫酒調下二錢
又方桃仁燒灰研細食前溫酒調下二錢 又方亂
髮皂角水洗淨燒為細末空心溫酒調二錢

世治血久崩夏枯草燒存性為末空心米飲調下此用
灰與前用草不同

大荆芥散治婦人崩中不止用好麻油點燈多著燈心就上燒荆芥焦色為細末每服三錢童便調下

簡治婦人漏下血不絕槐花鵝不以多少燒作灰細研食前溫酒調二錢匕

產寶治崩中不止不問年月遠近用槐耳燒作灰為末以酒服方寸匕

大神應散治血崩不止桂心不以多少炒極焦存性為末每服一二錢米飲調下

楊氏家藏黑金散 治婦人血氣虛損經候不調崩中漏下

鯉魚皮 黃牛角腮 椶櫚皮 破故紙 亂髮

各一兩 烏鰂魚骨 熟地黃 乾薑炮 當歸洗焙 木賊

各半兩

右剉拌入磁瓶內鹽泥固濟候乾炭火五斤煨通赤煙盡埋土內令冷取研細每三錢入麝少許米飲空心調下

如聖散

治血山崩

櫻櫚

烏梅肉

各一兩

乾薑

一兩五錢

並燒存性

右為細末每服一錢烏梅酒調下空心食前服久患

不過三服愈

治血崩屢效方

當歸

白芍藥

乾薑

櫻櫚

各等分

右各煨存性研為細末醋調以有節朱筋左覺四十

九轉食前服

又方用棕櫚白礬煨為末酒調二錢服

烏金散

治血崩不止

棕櫚毛

燒存性
一兩

龍骨

煨過
二錢

右為細末研勻每三錢空心好酒調服二服立止

梅飲子

治婦人血崩

右以鹽白梅燒灰存性為末空心米飲調下

治婦人血崩方

右用烏梅燒灰研末以烏梅湯調下酒調亦可

又方 烏梅

肥大者半斤以酸醋浸經
一宿取出核研為膏

百草霜

研細

右

搗和丸如梧桐子大每服三四十九空心以淡醋湯

送下日進二服

右三十二方皆燒灰黑藥經云北方黑色入通於腎
皆通腎經之藥也夫血者心之色也血見黑即止者
由腎水能制心火故也

海治崩不定或淋淫經年者

白礬

銘開成
汁一兩

沒藥一錢 礪

砂 黃丹

各五分

右件將白礬銘開成汁下餘藥細末一處攪勻就成
丸子如彈子大每用一九新綿裏內陰中立效

運氣運氣血崩皆屬風火經云少陽司天之政初之氣風勝乃搖候乃大溫其病血崩是也

針灸摘經血過多不止并崩中

心術同

三陰交 行間

各針訖

通理

足小指上三寸刺二分灸二十七壯

桑漏下不止

心術摘英同

三陰交 太衝

東胞門不閉漏下惡血不禁

氣門

在關元傍三寸刺入五分

集血崩并漏下

中極

補

子宮

二寸半

敗血不止

三陰交 百勞 風門 中極 腎俞 膏肓 曲

池絕骨

甲婦人不字陰暴出經水漏然谷主之 婦人漏血腹

脹滿不得息小便黃陰谷主之

千金云漏血少腹滿如阻體寒熱腹偏腫

女子血不通會陰主之 女子漏血太衝主之

脉問曰五崩何等類師曰白崩者形如涕赤崩者形如

絳黃崩者形如爛瓜青崩者形如藍色黑崩者形如衄

血也寸口脉弦而大弦則為減大則為亢減則為寒亢

則為虛寒虛相搏此名曰革婦人則半產漏下

又見諸見血

仲寸口脉微而緩微者衛氣疎疎則其膚空緩者胃弱
不實則穀消而水化也穀入於胃脉道乃行水入於經
其血乃成榮盛則其膚必疎三焦絕經名曰血崩

脉診婦人漏下赤白日下血數升脉急疾者死遲者生
診婦人漏下赤白不止脉小虛滑者生大緊實數者
死

尺寸脉虛者漏血脉浮者俱不治


峻實其下亦有得全者

良婦人衝任二脉為經脉之海外循經絡內榮臟腑若

陰陽和平經下依時若傷勞不能約制則忽然暴下甚則昏悶若寸脉微遲為寒在上焦則吐血衄血尺脉微遲為寒在下焦則崩血便血大抵數小為順洪大為逆大法當調補脾胃為主

殺血心痛良婦人血崩而心痛甚名曰殺血心痛由心脾血虛也若小產去血過多而心痛甚者亦然用烏鰂魚骨炒為末醋湯調下失笑散亦效 薛前證若陰血耗散用烏賊丸收斂之若瘀血不散用失笑散行散之

若心血虛弱用芎歸湯補養之若鬱結傷血用歸脾湯
調補之 一婦人血崩兼心痛三年矣諸藥不應每痛
甚虛證悉具面色痿黃余曰心主血蓋由去血過多心
無所養以致作痛宜用十全大補湯參朮倍之三十餘
劑稍愈百餘劑全愈



證治準繩卷五十六